

續天津縣志卷十五

列女下

魏氏 雍正間人年十七適高爾信爾信僦屋官廩東鄰宋某某妻與氏有違言數搆氏於其姑次年六月氏母遣從子自銑迎氏歸甯適氏姑及爾信他出某妻不知自銑之爲氏弟也走告其姑曰爾媳與人通復嗾東西家無賴數人闖入交鬪強裸自銑衣脅立借券不則共證之氏呼自銑曰亟鳴之官若書券吾卽死自銑闇弱急求脫執筆欲書氏望見卽引刀自剄死衆嚇自銑且誘之卒書券遂以券爲證訟於縣有司莫辨讞定自銑當大辟旣知其寃仍以疑獄繫之乾隆元年遇赦免而氏寃終莫雪也邑人朱函夏孫坦爲文以表白之時方望溪先生寓津爲立傳焉

殷氏 城北人父起鳳早故母爲媒妁所誑誤適邢

文貴氏時年甫十六文貴之母趙氏素有穢行娶

長媳程氏逼令失節及氏歸復令倚門氏誓死不

從遂日加箠楚更灼以炮烙沃以沸湯備極慘酷

氏終不少屈閭里不平聞於太守劉公公命縣尉

周君察驗氏諱姑惡詭以瘡對且言露體不宜見

官長堅不可尉嗟歎去氏逡巡死邑侯張公拘其姑與夫鞠得實執法懲之葬氏於西門外四烈墓側劉張二公爲立傳見舊志

趙氏 東沽民張起妻嘉慶十一年十二月二十九日夜起外出同村人田科窺氏有姿夤夜踰牆入室時氏業履燈下科調之啗以利婦怒詈科遂行強氏大呼科持剪刀威嚇氏詈愈厲科連戳之復勒以繩遂斃官捕科繫獄科兄會赴都翻控

上命大臣英公和鞠之得實科斬梟氏得

旨旌表邑人梅成棟爲立傳

續天津縣志

卷十五

列女下

二

朱氏 舉人毛凌臯妻凌臯病氏侍湯藥禱天求代先割左臂以進稍愈又割右臂以進卒不起氏誓以身殉夫弟秩臯以撫孤爲重勸氏從之越數年一子一女先後殤氏哭之慟勢將垂絕姑曰我老矣俟我百年後汝死不遲氏遂奉姑孝養備至道光四年五月二十四日姑病歿氏視含殮盡禮以姪某爲嗣處分畢自縊於姑柩旁年五十邑人梅成棟爲立傳

龐氏 南皮人津邑金允恭妻允恭病瘵氏兩次割臂和藥及卒哀哭擗踊悶絕移時抵暮託言浴盥

戶自經姑窺窗得狀破扉入解救得甦一日立中庭聞雁聲仰天歎曰雁有歸時人無返日我何生爲賦詩黏壁諦視血淚如雨遂不食六日死

王氏 民人自明女適劉維城仲子鐘爲繼室翁姑年俱入十餘氏奉侍維謹翁性褊急呼飯不至輒怒詈氏先意承志無稍緩年二十三夫患癆症喘嗽不已咯血盈盂氏侍湯藥焦勞不寐者動經旬道光丁亥正月十八日病卒前數日生一女氏晝夜零泣侍夫旁劉自知不起慰之曰鬻我衣物可得錢數百緡營運或免饑寒望善撫此女也氏曰

續天津縣志

卷十五

列女下

三

君死我豈獨生饑寒非所慮可憐拋雙親耳然幸有兄嫂在夫聞言搏頰曰果如是劉鐘不死矣此言惟氏母知之不能沮也及卒氏變服卽潛飲毒毒發輾轉靈牀前姑怒曰汝夫甫死汝便放刁耶氏叩頭無言少頃腸斷而卒翁夢中恍見氏來拜謝醒聞變哭之慟曰天平奪我孝婦哉老朽誰依哉聞者悲之邑紳合鳴於縣爲請 旌焉

梅成棟撰傳

劉氏 于維琛妻結縵甫三月維琛外出越六年與疾歸氏憂慘無人色百計調治不效及卒氏絕粒七日死邑人梅成棟爲立傳

劉氏 庠生王廷錡妻廷錡病亡氏自經家人驚救得甦其叔壽眉以侍姑繼子勸慰之氏曰叔休矣若兒者侍姑有伯守節無兒生則徒重親憂死則可全婦道與其作無益之未亡人何若遂從一之初志乎言之慷慨遂絕粒死

李氏 林棠妻年二十二夫亡哀毀絕粒誓以身殉姑勸慰之氏乘隙自縊死

張氏 陳恩紱妻年二十餘夫亡無子遺二女相繼殤氏仰藥死

湯氏 浙江樂清副將陽湖貞愍公甬生貽汾女適津邑雷州知府王玉璋子瀛貞愍公罷官後寓金陵咸豐三年二月十二日粵逆陷江甯氏時歸甯貞愍公殉難氏投池水死

吳氏 廣東運同楊紹庭妾楊歿既殮氏徧歷各屋笑語如常羣竊議之楊故巨族次日弔客滿堂入室門尚閉呼之不應婢媼輩脫扃入見氏以楊之常服蒙首繫帶爲纒已自縊矣裝束嚴整面如生弟者無不欷歔稱歎時道光十三年癸巳六月也

吳氏 山東萊州知府人驥孫女適宋某某故氏自縊以殉

王氏 監生松棟女年十七適監生樊景恆甫數月
景恆患疫亡氏號慟淚盡繼以血家人稔知其性
烈防伺甚周後稍懈一日晨起忽見氏昏卧細詢
始知潛吞金指環四枚夫弟景升亟以藥進氏揮
之曰世之未亡人所以不卽死者以有事親及撫
孤之責耳今叔已成立能盡子職吾又無子烏用
生爲惟望叔早生子以嗣兄後吾瞑目地下矣再
問更無他語親族環視贈藥解治氏張目曰惜我
命何如成我名乎遂卒時道光二十四年四月九
日也

續天津縣志 卷十五 列女下

五

萬氏 山東濟南人舉人陳廷禧妾榜名兆驤性剛方知

詩書明大義陳病故氏吞金求死家人救甦遂不
食卒時年二十四

張氏 城南何莊人適徐某某耽酒嗜賭氏勸之橫
遭詈辱某旋質氏於平康巷氏聞之乃闔戶仰藥
死邑副貢楊慎恭爲立傳

黃氏 庠生亦谷女適北倉王桐所生子女俱殤亦
無族黨桐病篤氏治後事凡所應用皆重購之覓
姊氏子吳某爲嗣及桐卒從容仰藥死趙樹琪撰傳

馮氏 北倉國學生趙誘妻誘故殯葬畢氏仰藥卧

牀談笑自若而卒

趙氏 北倉處士奎五女東安縣教諭徐界青繼妻
界青病革意期婦殉口未言也及卒氏潛服鳩初
尙談笑及毒發家人始覺已無如何然猶恤子顧
婦諳諳告語遂終云

謝氏 處士宋永齡妻年二十二夫亡殮後氏投繯
以殉家人聞聲救甦尋絕食卒

王氏 處士葉正甲妻年二十八正甲亡越數日翁
姑相繼歿殮後氏自縊而死時咸豐四年七月二
十六日也

續天津縣志

卷十五 列女下

六

趙氏 北倉處士階泰女適本村張復復貧病無以
爲生賴婦鍼黹餬口而復終不自安屢覓死氏俱
解救之咸豐五年十月十三日復謂氏曰我多方
求死汝善防閑若不食而死其奈我何氏涕泣曰
我之辛苦不辭者惟期同老今旣決不欲生同死
可乎乃於昏夜偕行投河而死後得屍相傳猶聯
袂云

趙樹琪
撰傳

趙氏 歲貢張林蔚子仲三妻年二十九仲三亡氏
絕粒死

杜氏 山東濰縣人江蘇徐州知府趙作賓妾趙卒

於在越三日氏仰藥以殉銅山縣令高丙謀詳請
旌表附祀府署旁之蘇姑祠徐郡士人有詩紀
其事

汪氏 城南上園張存義妻年二十九存義故無子
遺二女家有園田數畝傭一老成長工理之頗得
力因種麥無資向夫姪借籽種姪家人諷之曰爾
擇人而嫁可也何必乃爾意蓋有所在也氏聞默
不一言隨往夫墓前痛哭自陳至暮歸令二女飽
食各睡夜將半忽聞其長女驚啼少頃又聞氏哭
四鼓後寂然次日巳刻門尙閉夫姪驚詫越牆窺

續天津縣志

卷十五

列女下

七

探見氏已自縊二女亦勒死乃大哭鄰人聞之趨
往無不歔歔泣下焉此咸豐七年事

邑貢生郝
縉榮撰傳

周氏 城北西沽小家女適李某生一子某病癆勢
不起氏朝夕侍湯藥勤勞備至一日氏他出兒哭
某伏牀呼曰盍暫弄吾兒意以爲氏將有他志也
氏聞之痛而口不可言乃舉兒與嫂笑而囑之曰
此兒焉能跟我嫂可善撫之至晚某病劇不能轉
側氏俟人定緊閉房門面向某自經被架上及某

驚覺喊救已氣絕矣越三日某亦死

邑貢生郝
縉榮撰傳

徐氏 從九品興達女文童郭樹妻樹病故越日氏

吞金以殉時年三十

趙氏 武文郁妻文郁病亡殮後氏仰藥以殉時年二十六貢生李蓮賓田尙耘爲請 旌焉

王氏 葛沾從九品劉芝鏞妾劉泛海赴奉天舟覆而死氏聞仰藥以殉時年二十五

王氏 處士董夢蛟妻夢蛟亡七日氏吞金以殉時年三十二

馮氏 城北大園孟福妻福故殉節

陳氏 青雲汛把總李鈺妻同治二年六月十五日

銍帶兵在山東臨清州勦賊陣亡氏聞遂不食死

續天津縣志

卷十五 列女下

八

李氏 庠生張祉齋繼妻祉齋病故殮後氏服藥以殉

張氏 處士毓芳女邑庠生王煊子庠生樹培妻氏幼讀書明大義年十九于歸同治五年四月樹培病革氏誓以身殉樹培曰汝有娠數月儻生男一線之脈尙可延勿輕死也及樹培故胎忽墮遂不食死

金氏 從九品王兆霖妻兆霖故寒士謀食於外遭疾歸氏百計療治兩次割股和藥不效及亡遂服毒急救得甦氏曰吾志已決勿誤我復絕粒死時

年二十七兆霖兄候選訓導書徵詩盈帙越二年書物故其妾袁氏亦仰藥死一門兩烈鄉里哀之盧氏 河北吳士讓妻士讓病亡殮後氏仰藥以殉時同治六年九月十二日也

周氏 庠生培女幼有至性弟病痘眼矇氏夜禱

天后求以己代弟果無恙而氏竟一目失明長適

金慶蘭未幾慶蘭病亡時孀姑在堂門無次丁家

綦貧氏操作勤苦以女紅供甘旨及姑歿氏遂不

食數日卒時同治七年正月二十六日也

徐擘撰傳

梅氏 舉人成棟女候選訓導寶璐胞妹年十七適

續天津縣志

卷十五

列女下

九

李夢齡孝事翁姑家貧氏勤女紅以資食用夢齡

每因失業詭言欲服毒死氏婉言慰勸者屢矣嗣

又購藥自期必死氏恐禍不測乃服夢齡購藥以

自盡時同治七年四月十三日也

周氏 鄭家莊柴文庚妻年二十文庚病亡氏欲以

身殉翁姑晝夜防護旋送氏暫歸母家姑嫂咸勸

慰之氏但言旣字柴姓卽未嫁亦當從死况已嫁

乎後由母家歸數日仰藥死

金氏 浙江紹興人江西九江知府明源女太學生

吳肇裕妻年二十七肇裕歿逾兩月子景周生撫

之成各守節三十年以子貴

贈太安人孫惠元貴

晉贈太恭人

徐堦撰傳

查氏 候選理問金桂妻年二十七而寡撫孤守節

二十八年卒子藩雲南嵩明州知州孫琛郡庠生

世珍廩貢生

李氏 武庠生徐之柄繼妻年二十三夫故氏堅貞

自矢教子成立守節四十五年卒

李氏 舉人湜女副榜徐烱繼妻年二十八夫故氏

冰操自守勤儉持家撫遺孤壇榮封堦俱成立里

續天津縣志

卷十五

列女下

十

黨以賢孝聞壇邑庠生榮封候選布政司理問堦

道光二年考職二等以吏日用氏守節五十二年

卒

趙氏 立訓女邑庠生徐文煥妻年二十而寡事翁

姑以孝聞撫姪堂成立中嘉慶癸酉舉人氏苦節

四十四年

鄭氏 進士熊佳女監生朱裕年妻年二十七而寡

撫子錕成立由貢生在河南內鄉縣令氏守節六

十八年卒

張氏 刑部主事李恩綬妻年二十四守節事舅姑

以孝聞撫孤壽愷壽圖俱成立以孫瑞章貴

封太恭人八十六歲卒

趙氏 太學生大巖女庠生段元辰繼妻年二十一而寡無子翁姑喪葬悉氏經理苦節六十年

張氏 庠生高鵬翮妻年二十八而寡撫姪爲嗣苦節六十年

靳氏 張緒廷妻年二十四緒廷故撫孤成立守節五十九年八十四歲卒

張氏 邑庠生介士女邑庠生黃燾妻年二十八燾亡越三月遺腹子生苦節撫之卒年八十

續天津縣志

卷十五

列女下

十一

胡氏 徐琨妻年二十五而寡守節五十三年

吳氏 劉鳳岐妻能詩年二十八生子數月而鳳岐亡時翁姑俱在堂姑病割臂療之年餘翁姑相繼歿家貧子幼惟夫弟舉人鳳喈是依操作勤苦其教子詩云妄貪一定禍根留富貴憑天不可求學有才能身有寶心無利欲事無憂因貧不能請旌守節五十三年子壽源孫寶篆

張氏 劉祥妻年二十一而寡子生甫數月矢志守節撫孤卒年七十六

江氏 年十九適處士李惟中數月而寡守節五十

一年卒

崔氏李氏 里居未詳中丞周人驥妾中丞因公罷官旋奉罰修城工未竣而家資已罄中丞亦卽病卒崔李方盛年無子家人勸其改適二氏誓不從遂脫簪珥相與守節親猶姊妹時中丞次媳楊氏亦年未三十而寡有二子於是合志撫孤嗣以中丞有失察官虧案住宅沒入官家益貧賃居草房數間米鹽不知所出二氏長齋繡佛絕迹戶庭以女紅給饘粥所衣單衫布裘補綻幾徧有時竟日一餐處之晏如無感感容親串以爲有士君子安

續天津縣志

卷十五

列女下

十三

貧樂道之風羣異而敬焉卒年皆七十

徐氏 舉人高潮妻潮故守節五十一年卒

王氏 舉人萬齡女同知李壽愷妻年十七于歸逾年壽愷患風邪昏迷卧廢垂三十年氏日進湯藥躬扶掖始終弗懈事姑以孝聞教子瑞章成進士封太恭人七十歲卒

王氏 武翼都尉嚴道遵妻年十九道遵故守節五十年卒

王氏 處士嚴師範妻結縵甫旬餘師範患時疫亡氏矢志不二孝事翁姑夫弟娶陳氏生子氏撫以

爲嗣未幾翁病歿家益貧氏奉姑撫子苦節五十年

楊氏 俞仲妻年二十七仲故氏矢志守節撫孤成立子丕顯武進士思泉庠生孫際清貢生平鄉縣教諭會孫往欽增生

張氏 孝子李永凝妻家被回祿永凝以救母故與母俱死氏時年二十九子德照生甫彌月氏矢志撫孤七十八歲卒德照議敘六品銜孫鳳藻廩生鄉試挑取膳錄

孫氏 處士柴鐸妻年二十八而寡矢志守節撫孤士明士利士全俱成立卒年七十七

牛氏 徐著妻年二十六而寡矢志守節兩次割臂和藥療翁病愈卒年七十六

馬氏 處士方女張志興妻年二十九夫故時翁姑在堂遺孤錦文僅數齡氏矢志守節備嘗艱苦翁歿竭力營葬姑年九十衰病不能轉側氏左右護持及篤竟歿於懷卒年七十六以孫汝霖議敘道員

贈太恭人

孟氏 處士趙興旺妻年二十守節家窶貧撫孤成

立苦節四十年

周氏 李樹實妻年二十九樹實亡守節四十七年
鄔氏 福建泉州知府維肅女適文童王繩祖年二十一繩祖病亡無子氏守節四十七年

李氏 處士陳紹周妻年二十九紹周亡撫三子俱立苦節四十五年

任氏 庠生王永修繼妻年二十七永修故守節四十五年

于氏 山東昌邑縣令蔣式增之子某妻某亡氏守節四十餘年卒

續天津縣志

卷十五 列女下

十四

林氏 處士章恩綬妻幼穎慧通文字識大義動必循禮孝事翁姑恪守婦道恩綬病篤氏百計療治手疏於 城隍神願奪己算增夫壽卒不起氏時年二十八哀哭擗踊勢將垂絕家人以立嗣勸遂忍痛自守逾數歲姪文瀾生撫以爲子教養備至苦節四十三年卒

趙氏 郡增生張春藻妻夫故撫孤成立守節四十三年

朱氏 同知李壽祺妻壽祺亡氏時年二十二遺孤平章僅數齡氏絕粒數日誓不欲生父與翁勸以

撫孤氏感而復食守節四十餘年

姚氏 監生孫紹源妻年二十三紹源故守節以終

李氏 楊某妻年二十四而寡守節四十二年

李氏 朱大興妾年十七朱故遺孤甫八月撫之成

立辛苦備嘗內外咸以貞淑稱焉守節四十二年

徐氏 儒童姚學崇妻年二十四而寡守節四十一

年

張氏 汪波妻年二十二而寡撫孤蔭甲成立守節

四十一年

張氏 葛沽庠生蘇善明妻年二十二而寡苦節四

續天津縣志

卷十五

列女下

五

十年

華氏 陳康平妻年二十八康平亡氏事祖翁姑與

翁姑盡孝撫子泰開孫杰俱入邑庠苦節三十八

年卒

徐氏 處士劉機運妻機運病篤氏禱於 城隍神

願以身代及卒矢志自守孝事翁姑逾三年夫兄

生子恩錫繼爲嗣撫之成立苦節三十七年

李氏 劉煩炎妻年三十而寡守節三十七年卒

劉氏 江南揚州人河南滎澤尉殷健中妾年二十

六般故氏誓不改節藜藿自甘歷三十五年卒

王氏 處士陳錫嘏妻年二十四夫亡無子繼姪世
蓮爲嗣苦節三十六年

陳氏 處士賈奎元妻奎元亡守節三十五年

謝氏 處士楊大欽妻年二十八夫欽亡守節三十
五年

胡氏 沈士杰妻年十六于歸逾年士杰故繼族子
爲嗣恩如已出事姑以孝聞卒年五十一守節三
十五年

高氏 鄧善沾監生蕭勳陰妻年三十而寡苦節三
十餘年卒

續天津縣志

卷十五

列女下

六

孫氏 邑庠生于震吉妻震吉應秋試以疫卒於京
寓氏時年二十一矢志守節三十四年

黃氏 適靜邑李春塘年二十七春塘亡家貧無子
歸母家存活有勸其改適者輒飲泣不食苦節三
十四年

孫氏 查敬繼妻夫故子幼苦節三十餘年卒

張氏 宋瑞妻年二十七而寡守節三十四年卒

孫氏 城北李明莊孟芳田之孫某妻年十八而寡
矢志守節孝事翁姑撫姪成立苦節三十餘年

楊氏 侯善成妻年二十八善成亡守節三十三年

姚氏 武庠生張萬慶妻年三十而寡矢志茹苦撫
子慰曾成立守節三十二年

劉氏 四里沽陳錫元妻年二十七而寡守節三十
一年

靳氏 國學生丁坦妻年三十而寡矢志守節事翁
盡孝撫孤兆麟兆鳳成立卒年六十一兆麟候選
守禦所千總兆鳳附貢生議敘同知

金氏 處士于晉吉妻年二十一晉吉亡守節三十
年卒

胡氏 葛沽蘇象乾妻年二十二而寡守節三十年

續天津縣志

卷十五 列女下

十七

卒

沈氏 年二十歸進士鄭熊佳之孫士英未逾年士
英亡氏矢志不渝孝事孀姑姑老病動輒需人氏
衣不解帶者五年苦節三十年卒

高氏 城東南處士陳士雄妻士雄病氏割臂和藥
以進愈逾五月復病遂亡氏時年二十四遺孤恩
槐甫十月撫之成立守節二十八年卒

西氏 國學生張玉龍妻玉龍亡守節二十七年卒
張氏 楊某妻年二十八而寡守節二十六年卒

靳氏 李嘉樂妻年二十二而寡守節二十六年卒

蔣氏 湖北歸州吏目承銓次女州同銜胥采亭妻
于歸甫逾歲夫亡無子女事翁姑以孝聞守節二
十餘年卒

靳氏 監生梅聯芬繼妻年二十五聯芬故氏守節
四十三歲卒

陳氏 山東海豐人邑廩生李觀繼妻年十五于歸
逾二年而寡零丁孤苦矢志不渝撫繼子如已出
守節二十年卒

陳氏 張錫榮妻年二十二而寡孝奉翁姑撫繼子
如已出守節二十年卒

續天津縣志

卷十五

列女下

六

周氏 廣西臨桂人邑監生王文銓妻文銓叔蘭佩
官福建鹿港同知文銓隨任氏歸甫二年而寡時
孀姑在堂遺孤在抱苦節十三年卒

邑副貢李士琦撰傳

王氏 金佑妻年二十九佑亡無子遺一女氏矢志
守節姑中年失明氏先意承志相依爲命者十八
年偶歸甯半日卽旋父母挽留曰姑瞽何忍頃刻
離也迨姑歿女亦繼殤氏哀毀卒

柴氏 劉蕪林妻年二十六而寡無子遺有二女守
節以終

郭氏 舉人張嗣英繼妻年二十八嗣英故氏矢志

守節而卒

孫氏 郡庠生趙大任繼妻年二十九夫亡苦節十餘年卒

蔣氏 浙江人父官湖南適安仁縣令子恩隆氏爲女時曾割臂愈母病後氏姑張氏病篤又割臂入藥姑病亦愈旋因割處受風而卒人始知之時年三十

王氏 大沽寇達安妻年二十六而寡矢志守節今八十五歲

白氏 尹某妻夫故守節今八十四歲

續天津縣志

卷十五

列女下

九

趙氏 歲貢生國祚女處士丁光倫妻年二十六光倫故遺孤琪甫五歲家甚貧氏矢志守節事孀姑撫幼子皆取給於針黹雖饔飧常缺而處之晏如琪就傅氏課之嚴晨鐘先起促讀夜則篝燈以伴寒暑無間者六年琪以冠軍游庠中道光甲辰舉人在阜城縣訓導今八十三歲

張氏 舉人崇質女處士王世甯妻年二十三而寡子早殤今八十三歲

楊氏 葛沽張德柔妻年二十四而寡矢志守節今八十歲

郝氏 王某妻某故氏矢志不渝今七十八歲

李氏 姚家灣張名玉妻年二十八而寡矢志守節
今七十五歲

張氏 處士鄭桂妻年二十二而寡矢志守節今七
十五歲

章氏 從九品陳文馴妻年三十而寡矢志守節今
七十四歲

陳氏 馮錦妻年二十三而寡矢志守節遺孤甫田
甫數月撫之成立備歷艱苦今七十三歲

孟氏 李景慶妻年二十八夫亡矢志撫孤後子死
續天津縣志 卷十五 列女下 三
孫繼殤氏茹荼苦守今七十三歲

姚氏 城西小園李國順妻年二十九國順故氏矢
志守節今七十二歲

劉氏 高某妻年二十四而寡矢志守節今七十二
歲

沈氏 監生張式堪妻年二十七守節今七十歲
劉氏 城西小園李國瑞妻年二十二守節今七十
歲

余氏 處士于泰吉妻年十九守節今六十七歲

馮氏 開泰女增生李榮恩妻年二十八而寡二子

俱天以姪光緒爲嗣守節四十年今六十七歲

張氏 謝登第妻年二十八而寡矢志守節撫孤秉
鈞成立今六十七歲

張氏 梅永芳妻年二十九守節今六十七歲

鄭氏 劉鑫妻年十九而寡矢志守節今六十七歲

任氏 葛沽劉萬鏞妻年二十九而寡矢志守節今
六十六歲

王氏 禹疇女趙恩元妻年二十一而寡家貧甚氏
以鍼黹孝事翁姑今六十六歲

張氏 郡庠生姚學俊妻年二十四學俊故氏矢志

續天津縣志

卷十五

列女下

三

不貳孝事翁姑及歿喪葬盡禮撫子鴻業入邑庠
今六十四歲

戴氏 劉長泰妻年二十八而寡無子守節今六十
四歲

劉氏 城西鄭邦直妻年二十而寡矢志守節事姑
至孝今六十三歲

馬氏 楊柳青監生王元善妻年二十八而寡矢志
守節今六十二歲

劉氏 山西洪洞縣令廷璐女適生員馮春曦年二
十八春曦故無子氏矢志守節翁相芝任甯肅縣

教諭姑老病輾轉牀褥者數年氏孝事維謹及翁姑相繼歿喪葬皆氏經營今六十二歲

姚氏 處士張錫元妻年二十六而寡無子女孝事翁姑以鍼紉奉甘旨今六十二歲

王氏 處士灝女杜國賓妻年二十二而寡時子緒甫始生氏矢志守節撫孤今六十二歲

楊氏 東沽王家振妻年二十五而寡無子甘貧苦節今六十一歲

趙氏 唐維寶妻年二十九而寡矢志守節撫繼子成立今六十一歲

續天津縣志

卷十五

列女下

三

齊氏 刑部尙書承彥姪女處士靳昌妻年二十三而寡矢志守節今六十一歲

孟氏 文童張長泰妻于歸月餘長泰亡氏矢志守節今六十歲

陳氏 四里沽張自立妻年二十一而寡矢志守節今六十歲

陳氏 甯河人適東沽王家壽年二十而寡矢志守節撫孤成立今六十歲

張氏 葛沽米樹滋妻子歸數月樹滋故氏忍饑寒苦守今五十九歲

陳氏 城南溜米厰范美芝妻年二十而寡守節四十年今五十九歲

馮氏 大沽岸生寇涓妻年二十八而寡無子氏矢志守節孝事祖姑暨翁姑今五十九歲

孫氏 國學生張春霆妻年二十四而寡無子矢志守節今五十九歲

王氏 穆文元妻年二十四文元亡氏矢志守節今五十八歲

鄒氏 武庠生徐振來妻年二十九夫故無子翁姑相繼歿喪葬皆氏經理守節二十八年今五十七

續天津縣志

卷十五

列女下

三

歲

李氏 童生沈書誥妻年二十二而寡矢志守節孀姑衰病氏侍湯藥三年無倦色撫孤成立今五十七歲

寇氏 葛沽劉君章妻年二十九而寡矢志守節今五十六歲

陳氏 廣東感恩縣令殷秉銛妾秉銛致仕歸旋故氏年二十二矢志守節今五十六歲

陸氏 處士余蔭梅妻年二十四而寡矢志守節今五十六歲

袁氏 魏興順妻年十八而寡遺孤甫二歲氏矢志守節未幾子殤夫弟以子鴻藻嗣之今五十五歲
李氏 葛沽孫貴妻年二十四而寡矢志守節孝事孀姑二十餘年及歿力營喪葬皆盡禮今五十四歲

王氏 從九品晉庭女處士劉春澧繼妻年二十四而寡僅一女氏矢志不貳姑病割臂和藥奉之今五十四歲

沈氏 安徽遊擊維雄女處士趙吉士妻夫故守節今五十四歲

續天津縣志

卷十五

列女下

三

馬氏 從九品運普女從九品趙吉常妻夫故守節今五十三歲

吳氏 江甯理問景周女適邑庠生沈維瑞子恩嘉生甫八月維瑞故氏守節撫孤孝事翁姑姑病卧牀褥氏朝夕侍疾衣不解帶者一年迨翁致仕就養次子維璫山東糧道署氏以子就試寓居京師延師督課致敬盡禮恩嘉中同治丁卯舉人今五十三歲

于氏 鹹水沽東新莊人年十七適吳天德貧苦自甘家有薄田氏晝同夫灌園夜勤鍼黹以資食用

時祖姑在堂侍養必有酒肉夫亦如之而已則饜糟糠年二十七天德亡氏矢志靡他祖姑衰病氏坐卧偃抱每食返哺越十餘年祖姑歿年百歲矣氏竭力營葬鄉里無不敬服有外弟副將銜姚懷德者憫其貧窮節孝屢欲迎養氏堅辭不就今五十餘歲

寇氏 葛沾任紹恩妻年二十二而寡矢志守節今五十二歲

田氏 從九品得霖次女處士楊金鎧妻年二十二而寡氏冰霜自勵事姑盡孝撫孤炳文成立今五

續天津縣志

卷十五

列女下

三

十歲

魏氏 孫桂林妻年十九而寡子紹曾在襁褓中氏絕食數日誓以死殉姑抱兒泣日汝死孤不保且翁姑煢煢無依奈何氏忍痛強起奉養翁姑以孝聞迨翁姑相繼歿經營喪葬俱如禮子稍長從學外塾氏督課嚴遂游邑庠今五十歲

武氏 處士濂女賈肇新妻年二十一而寡無子矢志守節備嘗艱苦今四十九歲

龐氏 章文煜妻文煜病故氏苦節誓守撫孤成英教養備至今四十九歲

周氏 遊擊銜馮恩毅妾年二十五馮故矢志靡他
今四十九歲

楊氏 天津城守營外委梅鳳翔妻年二十一守節
今四十九歲

朱氏 國學生王松棟繼妻性至孝穎悟通經史朱
固庶出父歿嫡欲奪庶志朱號泣諫乃止以鍼菴
供菽水松棟聞其賢聘之撫前室子女如己出松
棟多疾朱侍湯藥惟謹病革刲臂和羹且禱以身
代竟不起時朱年二十三矢志守節遺孤妻甫四
齡朱授以四書五經及唐詩入大家文稍長就傳

續天津縣志

卷十五

列女下

三

成童補博士弟子員旋食餼年二十三登賢書娶
癸酉舉人廣東從化縣令余堂孫女余孝姑敬夫
鄉里稱賢逾年妻病瘵余籲天求減己算益夫壽
割臂見骨入藥以進迄無效妻亡遺一女余時年
二十一誓相從地下族人勸以姑在當代盡子職
由是忍死矢志守一門節孝里黨稱之

梅氏 監生王度妻年二十八守節今四十八歲

劉氏 城南土城貢生之涪女太學生王信成妻年
十九而寡氏誓死靡他繼姪爲嗣撫之成立今四
十八歲

宋氏 天津人江甯監生趙學本妾年二十三趙歿氏攜子南旋後粵匪陷金陵避難安徽孤苦無依復率子來津備歷險阻依學本叔長蘆鹽知事泌以居矢志靡他今四十三歲

唐氏 監生胡有文妻年十八守節今四十三歲

周氏 城西海會寺前謝某妻年十九而寡無子矢志守節孝事翁姑及歿喪葬盡禮今四十二歲

宋氏 城西王懷新妻年二十而寡無子女氏矢志守節孝事翁姑家甚貧以女紅供甘旨艱苦備嘗今四十一歲

續天津縣志

卷十五

列女下

七

魏氏 城西張士信繼妻年二十一而寡今四十一歲

梅氏 文學高偉觀妻年二十五而寡矢志守節

張氏 邑庠生梅洪瀛妻年二十四而寡矢志守節

高氏 童生范小松妻年十九而寡矢志守節

董氏 運同銜庠生黃世名妻年二十八而寡矢志守節

黃氏 監生丁壽彭妻年二十九壽彭故矢志守節

高氏 監生王家棠妻夫亡守節

周氏 庠生蕭銓繼妻年二十而寡矢志守節

張氏 監生王文銓子從九品淳妻年二十七而寡
無子遺二女矢志守節 邑副貢李士珩撰傳

陳氏 江西典史魏福鉅妻年二十三而寡矢志守節

胡氏 陳培妻年二十而寡矢志守節

高氏 處士張人英妻年二十八而寡矢志守節

田氏 趙永祥妻年十九而寡矢志守節

章氏 翰林院待詔李秉銀妻年二十三而寡矢志

守節

繆氏 監生張體誠妻年二十五而寡矢志守節

續天津縣志

卷十五

列女下

三

張氏 葉桂徵妻年二十四而寡矢志守節

饒氏 庠生梅士英妻年十九士英亡氏孝事孀姑

矢志守節

蕭氏 庠生車福昌妻年十九而寡矢志守節事翁

姑以孝聞

孟氏 六品銜銓女周士林妻年二十六而寡矢志

守節

李氏 東明縣訓導宏鑑女適監生姚景崇翁病篤

氏割股和藥閭里稱其孝

李氏 從九品德沆女趙榮久妻家貧夫無業氏以

鍼術養翁姑數十年如一日

張氏 鹽商任某妻姑遇之虐無故遣歸母家氏母
恚甚以剪刺喉時氏在別室聞之大痛隨自刎死
王氏 靜海副榜麟女幼穎慧端靜精女工博綜衆
藝性喜文五歲時聞兄輩讀卽竊聽父問曰女讀
書何爲對曰學作好人耳授以經過日輒成誦所
居近城一日譙樓火瓦石飛迸家人皆狂奔呼之
走甫出戶曰倉卒蹂躪中吾女子豈可輕出耶返
閉戶負牆立有巨石自城飛墮壞窗榻陷氏堅立
不動火熄竟無恙適邑庠生樂樟姑歿厝於郊樟

續天津縣志

卷十五

列女下

三

粵遊不得歸氏乃日減半餐之資納撲滿盈則埋
之積得若干錢買地以葬吟詠甚夥不存稿曰婦
人操觚染翰與文學士爭名非分也惟南遊草一
卷行世如夜靜風鳴竹春寒雨笑花之句膾炙人
口子立寬庠生立敬武舉官衛干總立本舉人

宋氏 陳三才妻工詩有遺稿

邊氏 孟澤大妻工詩詞制藝有女弟子從學者其
子以家學遊庠

貞烈女梁氏 民人梁進忠養女也初進忠負薪河
干有抱女自官舟下者授進忠曰此女正月八日

生今八月矣其父之任卒於舟母亦繼殞幸善撫之進忠抱歸哺以爲女及長許字袁進舉進忠有長女已嫁夫以貧故不能養復歸母家性悍而險虐遇女及進忠議娶陰沮之進舉旋外出有傳其已死者姊於是謀絕於袁意將居奇焉女知之曰吾志已定如以不義迫我有死而已議遂寢自此姊虐之愈甚粹髮捶楚動絕飲食父母不能禁而女甘受之鄰有馮媪姚媪者素憐女會姊抱奇疾媪乃得與母謀往勸袁母迎女歸袁家貧無立錐地女以鍼黹養姑及夫弟興越月父患痢女歸視

適姊病亦殆女不念舊惡服侍幾一月而父姊相繼死女皆殮葬之進忠無子女稟於姑迎母同居迨姑與母先後歿女殫力經營得安窀穸興長女爲娶妻生于紹安撫以爲嗣一日女謂人曰二老俱歿夫亦有後吾事畢矣城西有五烈墳他日吾死幸附葬焉是夜竟自經鄉人哀之醵金襄事以遂其志時乾隆五十六年六月也發殯之日值府試閤屬文章寓西門外方袒裼乘涼望見女柩旌旛至僉曰對貞女靈輿不可無禮貌各被服拱立觀葬其地遂爲六烈墓云周太史人騏爲立傳詳

藝文

貞女陳氏 處士德楷季女乾隆戊子舉人河南延津令德言胞姪女幼字雍正乙卯副榜雲南大理知府邵滋之子聘賢未婚而聘賢亡女奔其喪遂矢志守貞未嘗一至母家戚族亦罕見其面事姑盡孝七十四歲卒

烈女張氏 名懷清冀州訓導廷錡女幼字玉埈未歸而埈病亡女聞之慘變潛製白布烏巾家人外出閉門投水甕死埈母迎女柩歸合葬埈墓周太史人騏爲立傳詳藝文

續天津縣志

卷十五

列女下

三二

烈女姜氏 周貴思聘室沈重寡言年十八未嫁而貴思溺死氏矢志守貞越四月父母不告女更爲婚女知之遂夜縊其家薄棺以殮周族聞之迎柩加椁與貴思合葬焉

貞女王氏 許字于單單亡女奔其喪遂守貞焉邑人周焯爲作貞女詞

烈女朱氏 大梁莊處士冲漢次女字葛沽劉光文長子大觀年十八未婚而大觀死女聞訃一慟幾絕母泣諭再三女泣然曰如欲兒生必歸劉而後可時光文賈於外其妻聞之命駕至女家察其志

堅乃迎女歸成婦禮歲暮光文客旋雖痛兒亡見
貞婦淑慎心稍慰踰數年復攜幼子出賈姑病女
謹侍湯藥日夜禱以身代及卒哀毀出鍼劑餘蓄
經營喪事迨光文父子歸女勸翁爲叔完婚又念
翁衰無人奉侍力勸續娶焉一日女含淚向其姊
言曰弟婦好自爲之子所以歸劉者欲勉事翁姑
以慰亡魂耳今姑歿翁從子言已續娶予事畢矣
遂不食七日卒

孝烈女王氏 舉人枚女枚以知縣分發山東許字
於同省候補令張希哲之子爲媳未嫁枚權蘭

續天津縣志

卷十五 列女下

三

山縣篆張以交代口角刃傷枚落其指枚因傷而
死女投繯自縊

烈女孫氏 舉人鉞妹幼字於某未歸而某故女自
縊

貞女邢氏 字張有名未歸張亡女守貞以終

貞女張氏 處士洪幼女字劉德年二十餘未嫁而
德卒於外矢志守貞五十四歲卒

貞女丁氏 吏員萬鍾女浙江人僑寓天津幼字宋
文鳳年二十二未歸而文鳳亡女誓不改字奔喪
宋室守貞焉

貞女賈氏 幼字李某某聞其貌陋求退婚父兄怒欲許之女不允每聞父兄改字之議輒操刃欲自戕曰吾誓爲處子老矣六十八歲卒

貞女裴氏 城西四顆樹人許字孟鳳舞年二十四未歸而鳳舞亡於外女聞訃誓死不貳鳳舞兄舉人鳳來聞其志堅迎以歸及鳳來卒女與鳳來妻崔氏甘貧苦守今六十七歲

貞女裘氏 把總起麟次女張士孟聘室通文字每讀史見古貞烈輒感歎焉年二十三未歸而士孟卒母欲改字女不可時母姊有子欲聘女乃私約

續天津縣志

卷十五

列女下

三

於其母強娶女去女號哭聲動閭巷居人曰女不嫁義也糾衆奪還女已慟絕久之乃蘇以聞於官官義之判歸張女守貞至四十二歲卒

貞女王氏 字劉大未嫁而劉卒女時年十四父母欲奪其志不可家貧以鍼黹自活及父母歿依孀妹以居苦節四十餘年

貞女王氏 雲南池東道祿朋女字天津分司莊士寬次子監生心咸心咸病亡女奔喪守貞未幾病卒

某氏 劉玉清廝僕之女姓氏未詳廣平人給配未

就其夫遠行不返女終身不改子劉族重之呼曰老姑守貞至七十餘歲卒

貞女謝氏 餘姚人寄居天津幼字會稽沈紹林將婚而紹林亡女聞訃欲以身殉母與姊防閑之姑歿翁宦於廣東之高州女別母赴翁在所矢志守貞以終

貞女史氏 吳彬聘室未婚而彬亡女矢志不貳父歿隨兄存活兄操微業不能兼贍女以鍼黹自給苦守數十年道光十七年卒葬九烈墓側

邑廩生史樂善

撰傳

續天津縣志

卷十五 列女下

三

貞女尹氏 民人宏明女桂松年聘室松年家燬於火流離齊豫間久不歸父母更爲議婚女堅不從以死自誓曰桂氏子歸則婦伊始桂氏子亡則女以終遂依父母以居父母歿依弟弟歿依姪年七十六卒鄉人士請附葬十烈墓側時道光十九年也

邑人沈兆灃撰傳

貞女田氏 葛沽人山東巡檢映桂女咸豐十年海口礮臺陷女恐遭強暴服藥而死時年十九

貞女王氏 文童畢照聘室年二十未嫁而照故女奔喪矢志守貞以姪秉垣爲嗣未幾病卒

貞女章氏 字楊青司巡檢楊承杰子恆懿未婚而
恆懿亡訃至女慘痛奔喪衰絰守貞卒年二十五
貞女馮氏 舉人向華女字庠生張玉如爲繼室未
歸而張卒女奔喪守貞上事孀姑下撫前室遺孤
里黨賢之

貞女趙氏 江甯人長蘆鹽知事泌之姪女許字同
邑庠生紀祥楨爲室未婚而祥楨亡女聞訃大慟
奔喪守志後遭粵匪之變舉室紛逃女子然一身
遂偕母氏來津依泌以居操作勤苦誓死不一今
四十一歲

續天津縣志

卷十五 列女下

三

孝女王氏 字桂馨候選訓導華清女嘗割臂療祖
母黃氏病愈後創痕時發歸女童趙慶雲踰年創
痕復發死

補編

王氏 麗章女處士劉葆元妻年二十葆元故歿後
氏遂不食死

左氏 武德騎尉王書勳妾王病故氏哭之慟絕而
復蘇家人勸慰並防閑之王旣歿氏言笑自若咸
謂其未必死矣忽於三七之前三日仰藥殉節面
如生時道光二十七年五月

龔氏 孟傳緒妻年二十四于歸未幾傳緒故氏先
一日仰藥死邑庠生周寶善爲撰傳

許氏 喬麟昌妻年二十七夫故家貧無嗣氏仰藥
死

高氏 朱聯第妻年二十一聯第亡越三日氏仰藥
死

厲氏 揚州人刑部員外高學濱妾同治元年高以
疫卒於京寓氏誓與俱死家人以殯未旋里勸沮
氏領之越二年高葬氏對家人曰妾大事畢矣妾
亦從此逝矣遂仰藥死時年二十三

續天津縣志

卷十五

列女下

三

高氏 上郭家莊尹廷玉妻廷玉故氏仰藥以殉時
年二十二

邊氏 誤適田某某逼令倚門氏不從某橫加撻楚
身無完膚嚴冬風雪中令氏立冰上百計挫辱如
是者數年竟以傷死里黨不平鳴於官時邑侯爲
謝公子澄拘某執法懲之

宋氏 權量妻年二十三量病故次日氏仰藥以殉
時同治八年六月四日也

張氏 監生王朝柱妻年二十八而寡守節至八十
八歲卒

吳氏 高從德妻年十九從德亡氏撫遺孤成立守節六十九年

楊氏 監生汝女喬松妻年二十五夫亡守節六十年

張氏 葛沾高鵬飛妻年二十六夫故守節六十年
邊氏 候選吏目龐玉成妻年二十八而寡奉翁姑撫遺子守節五十七年

寇氏 喬廷炬妻年二十六夫故子坦甫四齡氏冰霜自勵事孀姑至孝姑歿喪葬盡禮苦節五十九年

續天津縣志

卷十五

列女下

三七

鄭氏 李阿平妻年二十九夫故撫嗣子利源成立守節五十五年

喬氏 葛沾胡儒妻年二十四夫故守節五十八年
馬氏 雲南嵩明州知州金藩妾金故氏甘貧苦守至八十餘歲卒

陳氏 處士王孚寬妻年十七于歸逾年夫故翁姑慮其年少而且無所出也與氏父克仁謀集親串婉言慰勸將奪其志氏默無一語遽入室以翦剪髮及半而人始知衆驚歎議遂寢氏自此閉門不出惟長齋繡佛而已孚寬有堂弟道亨者以次子

鉞嗣焉氏撫之成立八十一歲卒

趙氏 監生田萬程妻年二十九夫故守節五十年

楊氏 葛沽文童趙博厚妻年二十七博厚故守節

五十一年

于氏 喬廷煥妻年二十五夫故無子女苦守五十

三年卒

胡氏 舉人秉忠姪女處士徐琨妻琨病疽勢危甚

氏割左臂和藥愈越二年疽復發遂卒氏時年二

十五矢志靡他事翁姑以孝聞及歿哀毀喪葬皆

氏經理守節五十三年

續天津縣志

卷十五

列女下

三

楊氏 沈旺妻年二十九而寡家貧甚氏乞食養衰

姑育幼子苦節四十八年

胡氏 庠生陳莊敬妻年二十九莊敬故氏矢志守

節年七十七卒

鄭氏 解開運妻年二十四夫故守節五十一年

趙氏 葛沽徐秉仁妻年二十八而寡守節四十六

年

孟氏 泥沽趙士選妻年十八夫亡守節五十六年

魯氏 郭浦妻年二十一浦故家貧無子苦節五十

三年

李氏 監生鄭承祖妻承祖病亡氏年二十六矢志不渝撫子玉成立守節四十八年

蕭氏 鄭學澄妻年二十七而寡撫嗣子思孜成立思孜娶郭氏又亡無子郭氏時年二十九兩世孀居冰操並勵氏七十三歲卒郭氏六十三歲卒

董氏 王純修妻年二十五夫故氏備歷艱苦撫二子世厚澤厚成立守節四十八年

邵氏 趙家藩妻夫亡家貧氏勤針紉教嗣子讀書入邑庠年七十餘卒

孫氏 監生楊兆堂妻年二十七而寡守節撫孤五
續天津縣志 卷十五 列女下 三五
十歲卒

胡氏 葛沾蘇尙志妻年二十二而寡守節五十年
劉氏 楊發妻年二十三而寡撫二子成立苦節四十八年

許氏 王世崑妻年二十五夫故守志教子成立苦節五十八年

王氏 喬桐妻年二十五而寡守節撫孤六十九歲卒

喬氏 王偉妻年二十六而寡守節四十四年

薛氏 葛沾鄧錦亭妻年二十五而寡守節四十三

年

張氏 吳廣善妻年二十四夫故子方襁抱撫之成立守節四十二年

馮氏 王士翰妻年二十六而寡守節三十九年

王氏 山西石樓營守備天福女鄭彬妻年二十彬亡氏矢志靡他隨父任所後天福歿於任無嗣氏

哀毀幾絕扶櫬歸葬冰霜自勵撫嗣子必震成立六十五歲卒

王氏 郭長春妻年二十四夫亡無子苦守至六十四歲卒

續天津縣志

卷十五

列女下

罕

鄭氏 喬毓華妻年二十一毓華亡守節四十三年
于氏 李聯元妻年二十四夫故子步瀛甫三歲撫之成立孝事翁姑守節四十年

寇氏 鄭思謙妻年二十八而寡無子孝事孀姑撫一女守節三十五年

馬氏 張珣妻年二十一夫亡事姑孝撫姪世勳成立入邑庠守節四十餘年

朱氏 鄧善沾趙延年妻年二十二而寡守節四十年

李氏 王家通妻年二十二夫故無子守節四十一

年

曹氏 廩生蔣玉虹子庠生大鏞妻年十九大鏞故
氏矢志守節孝事翁姑撫孤成立守節四十餘年
黃氏 沈志溶妻年十九守節無子事翁姑盡孝及
歿喪葬皆如禮五十九歲卒里黨以節孝稱之

陳氏 鄧善沽朱景文妻年二十八而寡守節四十
年

朱氏 王永啓妻年二十五永啓故家貧翁姑勸改
適氏矢志靡他紡績餬口撫幼子純續皆成立苦
節三十六年鄉人稱之

續天津縣志

卷十五

列女下

四

戚氏 劉賦妻年二十而寡矢志不貳孝事孀姑撫
嗣子成立年四十卒

陳氏 劉開鼎妻年十九而寡撫嗣子洵成立苦節
三十六年

王氏 于德龍妻年二十六而寡家赤貧撫幼子成
立苦節三十五年

郭氏 田履謙妻履謙病篤而娶入門夫故氏時年
二十三誓以死守事翁姑孝撫嗣子慈族黨皆稱
焉苦節三十五年

李氏 邑庠生劉開之妻年二十九而寡撫遺孤涵

成立守節三十五年

劉氏 大沽處士高陟玖妻夫故守節三十餘年曾
孫優貢山東候補知府符清五品銜符靜符謙爲
請旌

齊氏 馬俊妻年二十二而寡守節三十五年

鄭氏 李如春妻年二十一夫故孝事孀姑及歿喪
葬盡禮無子撫一女以針黹餬口苦節三十一年

趙氏 呂鏡妻年二十夫故氏孝事翁姑撫育幼子
苦節三十一年

滑氏 張奎元妻奎元以瘋疾亡氏時年二十四撫
子成立守節二十六年

續天津縣志

卷十五

列女下

聖

李氏 邢玢妾年二十四邢故無子女氏矢志不渝
守節二十五年卒

姜氏 江蘇楓橋人承德郎盧起勛側室性端淑知
書識大義盧赴蘇省貿易遷延恆半載氏歸後長

寓閭門母氏伴居焉道光二十年夏盧客歸旋病

故氏時年二十三子恩溥甫三齡次年春盧訃至
氏大慟誓以身殉繼念遺孤無託而盧繼室楊未

有子計北歸母沮之氏曰旣不得事夫於生前矣
豈可無以慰之於身後且南北相睽人其謂我何

乃買舟而北抵津依嫡氏楊與盧寡嫂蕭以居和
謹無間言惟遺產無多家計日窘氏拚搗井臼長
茹素節操堅苦戚串咸敬禮之恩溥稍長就外傅
束修之費惟針黹是資督恩溥嚴日課俱覆之織
繡時往往漏三下乃已恩溥弱冠游庠咸豐十一
年拔萃

廷試以七品京官分兵部迎氏入都

覃恩封太安人同治四年六月卒年四十八邑人沈兆
澧爲立傳

劉氏 解元會妻年二十七夫故守節十八年卒

續天津縣志

卷十五

列女下

三

陳氏 監生宋廷弼妻年二十五而寡撫孤成立守
節二十年卒

李氏 劉光甲妻年二十四而寡孝事翁姑撫孤成
立守節二十一年卒

楊氏 守備王希舜子恩泰妻年十九而寡孝事翁
姑守節二十餘年卒

周氏 進士人騏曾孫女劉淦之妻年二十六而寡
撫遺孤連郁成立守節二十一年

周氏 謝廷蔭妻年二十夫故遺孤寶山生甫數月
氏冰操自勵撫孤成立今八十歲

孫氏 北倉漢臣女張永發妻年二十六夫亡遺孤
士魁尙幼氏矢志自守時祖姑孀姑俱在堂氏生
養死葬盡孝盡禮撫孤成立今七十餘歲

杜氏 廩生李文燾妻夫故守節孝事翁姑撫幼子
成立耀奎辛亥舉人明奎甲子舉人今七十六歲
周氏 陳兆麟妻年二十八夫亡無子氏矢志守節
今七十五歲

趙氏 大連女北倉張裕式妻年二十八夫亡氏誓
死不貳今七十四歲

楊氏 北倉監生劉丹陛妾年十八劉故親族勸其
續天津縣志 卷十五 列女下 四

改適氏誓以死守依丹陛兄妻費氏食貧茹苦始
終不渝今七十三歲

張氏 增生劉開鑑繼室年二十七而寡矢志守節
今七十二歲子叔翰貢生

李氏 劉兆武妻年二十五守節今七十二歲
王氏 李家紫德厚女韓兆富妻年二十五夫亡甘
貧守節今七十歲

季氏 大沽李存綱妻年二十四而寡矢志守節今
六十九歲

李氏 葛沽王盛有妻年二十八守節今六十八歲

于氏 陳兆鳳妻年二十九夫亡無子女氏矢志苦
守今六十七歲

趙氏 姜士賢妻年二十五夫故冰霜自勵孝事翁
姑撫子延幹成立今六十七歲

趙氏 葛沽金永盛妻年二十五守節今六十六歲
郭氏 劉東明妻年二十夫亡矢志守節孝事翁姑
今六十四歲

薛氏 葛沽李長榮妻年二十八守節今六十四歲
劉氏 大沽王家振妻年二十五守節今六十餘歲
劉氏 葛沽張元善妻年二十二守節今六十一歲

濱天津縣志

卷十五

列女下

聖

張氏 舉人玉墀女監生徐鳳臺妻年二十四守節
今六十一歲

蘇氏 葛沽周際盛妻年二十六守節今六十歲

張氏 曹永明妻年二十九守節今六十歲

薛氏 葛沽李大觀妻年二十九守節今六十歲

韓氏 王純隆妻年二十八夫亡矢志守節繼姪連
厚爲嗣今五十九歲

劉氏 葛沽張大科妻年二十八守節今五十九歲

鄭氏 鹹水沽王承古妻年二十而寡矢志不渝今
五十九歲

徐氏 陳以忠妻年二十四而寡矢志不貳繼姪用
謙爲嗣用謙長且娶夫婦相繼亡遺孤甫襁抱氏
茹苦撫孫今五十八歲

徐氏 葛沽孫峻妻年二十七守節今五十八歲

張氏 泥沽周楨妻年十九守節今五十七歲

王氏 殷萃僑妻年三十萃僑亡氏守節撫孤今五

十七歲

馬氏 李國宗妻年二十三守節今五十五歲

金氏 展維錦妻年二十一守節今五十五歲

寇氏 葛沽任紹印妻年二十二守節今五十五歲

續天津縣志

卷十五 列女下

巽

鄭氏 韓登俊妻年二十二守節今五十四歲

許氏 劉光裕妻年十七守節今五十四歲

殷氏 劉紹聞妻年二十七而寡守節撫孤今五十

四歲

張氏 劉開任妻年二十而寡撫嗣子夢巖成立入

邑庠今五十四歲

丁氏 耀先女王居善妻年十九夫亡氏苦節勵操

撫嗣子成立今五十四歲

龐氏 劉步文妻年二十守節今五十二歲

馮氏 沈清妻年二十二而寡家貧以縫紉存活孝

事翁姑撫遺孤成立今五十二歲

梅氏 監生鑑女適孫思睿次子年二十四守節今五十歲

高氏 河東吉家巷王士晉妻夫亡守節今五十歲

郝氏 李長順妻年二十守節今四十九歲

劉氏 王恩第妻年十九守節今四十九歲

喬氏 劉順巽妻結縈月餘夫故氏誓以死守撫嗣子成立今四十七歲

張氏 段椿妻年二十六守節無子撫二女矢志不貳今四十六歲

續天津縣志

卷十五

列女下

四七

楊氏 李長起妻年二十守節今四十六歲

陳氏 文童龐夢蓮妻年十九守節今四十五歲

汪氏 廩生曹用樑子媳年二十八而寡家貧以鍼帶養孀姑撫夫弟有勸其改適者氏誓死靡他今

四十三歲

孫氏 坦如女北倉張裕承妻年二十一夫亡遺腹生子景三氏矢志撫孤勤女紅以事孀姑今四十三歲

翟氏 耀斗女趙家望妻夫亡家貧氏以鍼帶養孀姑撫子女成立

高氏 韓汝霖妻年二十九汝霖亡遺子祖蔭方週
歲氏矢志守之

鍾氏 王同謙繼妻年二十八夫亡守節

孟氏 李光第妻夫亡守節

章氏 武進士劉廷棟妻年二十五廷棟故氏冰霜
自勵事翁姑以孝稱撫孤成立廷棟妾魏氏時年
十七亦矢志守節

蔣氏 庠生孟宗伊妻夫亡守節

何氏 庠生孟宗清妻夫亡守節

王氏 孟廷揆妻夫亡守節

續天津縣志

卷十五

列女下

哭

湯氏 孟兆成妻兆成故氏矢志不渝撫孤毓淇成
立中辛酉舉人

張氏 華承瀛妻年十九夫亡守節

劉氏 華長熙妻夫亡守節

王氏 景州營守備梅雲彪妻母汪氏病割股和藥
以進愈

張氏 內閣中書王文蔚妻割股療父疾愈

樊氏 處士德潤女女童李聯第妻年十九于歸未
兩月夫故氏矢志貞守孝事翁姑撫嗣子如己出
道光十八年四月氏父猝患暴症氏聞疾馳而往

甫入門而其父已卒氏一櫛遂絕時年三十四里
黨咸以節孝稱之

庠生張家
騏採訪

田氏 葛沾米樹桐妻年二十二而寡無子矢志守
節今五十歲

武氏 梁承澤妻年二十二守節嘗割臂療姑病並
禱於 城隍神求減己算以益姑壽姑果愈後翁
病復割臂和藥五十三歲卒

補

旌表

同治八年

續天津縣志

卷十五 列女下

三

旌表田寶成之妻李氏曹桂林之妻楊氏華長熙之妻
劉氏沈至剛之妻阮氏陳培之妻胡氏沈文之妻
王氏姜士賢之妻趙氏

同治九年

旌表孟鳳舞之聘室

貞女

裘氏張國平之妻顏氏張珣之

妻馬氏馮恩綬之妾周氏

又補遺

孟氏 監生王錚繼妻年二十八夫亡守節

王氏 處士周興鎔妻年二十八夫亡守節

王氏 武生黃家鰲妻年十九夫亡守節今四十一

歲

劉氏 處士李尙賢妻年十九夫亡守節

孫氏 監生劉湘妻年二十六夫亡守節

李氏 舉人秉璋女韓蔭棠妻年十八蔭棠亡氏矢志守節

志守節

王氏 韓文藻妻年二十文藻亡氏矢志守節

韓氏 梁逢慶妻夫亡守節

陸氏 陳玉樹妻夫亡守節

吳氏 王樹棠妻年二十九樹棠亡氏矢志守節

宋氏 董夢塘妻年二十六夢塘亡氏矢志守節二

續天津縣志

卷十五 列女下

五

十八年卒

王氏 董用威妻年二十七夫亡守節

劉氏 邑紳 恩賜一品封典張錦文妾事張母先

意承志敬謹備至廿餘年如一日親串賢之道光

二十六年三月十九日張母病卒氏哀慟絕粒七

日死年四十六

劉氏 城南土城貢生之醇女舉人陳曾慶次子從

九銜恩來妻年二十七恩來故遺一子氏守節撫

孤今五十一歲

任氏 田錦江妻年二十二錦江故守節四十餘年

胡氏 金珮鏞妻年二十五珮鏞故守節二十六年卒

張氏 貢生五品銜尉廷梁妻年三十廷梁病氏割臂和藥以進及卒矢志守節

王氏 五品銜毓元女監生婁舉正妻年二十四舉正病亡氏絕粒六日死時同治九年九月十三日也

以上十八條係書成後送局恐日久湮沒復補錄之